



Bosnia and Herzegovina
Federation of Bosnia and Herzegovina

CANTON SARAJEVO
Institute for Informatics and Statistics

Broj: 26-04-27823-227/20
Sarajevo, 25.09.2020. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KABINET PREDSJEDAVAJUĆEG
n/r Predsjedavajući Skupštine

PREDMET: Odgovor na zastupničku inicijativu zastupnice Neire Dizdarević

Na 27. Radnoj sjednici Skupštine Kantona Sarajevo, održanoj dana 28.07.2020. godine u okviru tačke Dnevnog reda "Poslanička/zastupnička pitanja, inicijative i odgovori", zastupnica Neira Dizdarević je uputila zastupničku inicijativu Vladi Kantona Sarajevo i Zavodu za informatiku i statistiku Kantona Sarajevo, kako slijedi:

"Podnosim inicijativu da se izradi nova samostalna web stranica na kojoj bi bile objavljene sve obavijesti o javnim raspravama svih javnih organa Kantona Sarajevo, čime bi bio olakšan pristup građanima ukoliko se žele uključiti u istu, bez obzira što javni organi na svojim zvaničnim web stranicama objavljuju iste."

ODGOVOR:

Nadležnost Zavoda za informatiku i statistiku Kantona Sarajevo (u daljnjem tekstu: Zavod) je vršenje stručnih i drugih poslova koji pretežno zahtijevaju primjenu stručnih i naučnih metoda rada i sa njima povezanih upravnih poslova iz oblasti informatike i statistike, kao i drugih poslova koji se, između ostalog, odnose na planiranje i razvoj jedinstvenog informacionog prostora Kantona Sarajevo, Grada Sarajeva i općina na području Kantona Sarajevo, zasnovanog na elektronskoj obradi podataka i usmjerenog prema korisnicima, te razvoj i upravljanje integralnim računarskim sistemom organa uprave, upravnih organizacija i stručnih službi Kantona Sarajevo, uključujući infrastrukturu, internet i internet prisustvo, elektronsku poštu i elektronsko upravljanje dokumentima.

Ovim putem potvrđujem da Zavod ima kapacitete i tehničke mogućnosti da razvije i održava posebnu web stranicu za javne rasprave, u koju će biti unesene sve potrebne informacije i obavijesti od strane nadležnog javnog organa Kantona Sarajevo koji organizira i realizira javnu raspravu. Nadležni javni organ Kantona Sarajevo je obavezan rukovoditi svim procedurama provođenja javne rasprave i odrediti lice koje će vršiti poslove objave i ažuriranja svih potrebnih informacija i podataka, kojem će Zavod osigurati pristupne podatke i šifre. Za izradu i aktivaciju posebne web stranice je potrebno do 60 dana.



Napominjemo da Zavod može vršiti samo i isključivo tehničke poslove i zadatke, a da su utvrđivanje procedura, pozivanje javnosti, organizacija i provođenje javne rasprave, unos i ažuriranje podataka, imenovanje ovlaštenih lica i izrada izvještaja o provedenoj javnoj raspravi isključivo obaveza nadležnih javnih organa Kantona Sarajevo.

S poštovanjem,

Dostaviti:

1. Naslovu,
2. Stručnoj službi Vlade Kantona Sarajevo,
3. a/a



Amal Dino Šehović

